

Kelajagi porloq yoshlar uchun to'g'ri yo'l ko'rsatish – ezgu vazifa

Bugun O'zbekiston davlat san'at va madaniyat instituti rektori v.b. Eldor Shermanov Kino, televideniye va radio san'ati hamda Kutubxona-axborot faoliyati fakultetlarining birinchi bosqich talabalari bilan tanishuv uchrashuvi o'tkazdi.



Ochiq mulqot tarzida o'tgan davra suhbatida oliygoh faoliyati, yoshlarga yaratilayotgan imkoniyatlar, ta'lim muassasining ichki tartib-qoidalari to'g'risida batafsil ma'lumot berildi.



«Bizning oliygoh o'z maqsadi, yo'nalishlari va vazifalari bo'yicha Markaziy Osiyoda yagona hisoblanadi. Institutimizni tanlab adashmagansiz. Chunki o'zingiz istagan soha vakili bo'lishni istab kelgansiz. Bu yerda shunchaki o'qish kerak

emas, balki zo'rlarning zo'ri bo'lish uchun harakat qilish darkor. Institutimizda ko'plab el suygan san'atkorlar tahsil olgan. O'ylaymanki, yillar o'tgach, ular safida sizlarning ismingiz ham tilga olinadi. Sizdan faqat bilim olish va intilish talab etiladi. Biz bu borada ko'mak berishga tayyormiz», dedi institut rektori v.b. Eldor Shermanov.



Rahbariyat tomonidan bugungi kunda o'zbek filmlari va seriallaridagi muammolar tanqid qilinib, bunga Kino, televideniye va radio san'ati yechim topa olishiga ishonishi bildirdi.

«Bugungi film va seriallar maishiy mavzularga o'ralashib qolganidan barchangiz xabardorsiz. Muammolarni ayta bilish ham darkor. Bu borada chuqur bilimga kinotanqidchilarni yetishishtirishga harakat qilamiz. Film deymizmi, serialmi, uning yaralish jarayonida ishtirok etadigan barcha ijodkorlar bizning oliygohdan yetishib chiqadi. Agar hozirda chuqur bilim egasi bo'lib, birdamlikka erishsangiz, kelgusida yana elga manzur bo'ladigan asarlar yaratilishiga shak-shubha yo'q», deya qo'shimcha qildi rektor v.b.



Shuningdek, Eldor Shermanov yetuk soha vakili bo'lish uchun kitob mutolaasi nihoyatda ulkan ahamiyat kasb etishini aytib o'tdi. Shu bois, oliygohda har oy kitobxonlik tanlovlari o'tkazilishi ma'lum qilindi.



«Barchamiz oynai jahonda havas bilan tomosha qiladigan «Yosh kitobxon» tanlovi g'oliblari Kutubxona-axborot faoliyati fakulteti talabalari bo'lishi lozim. Sizlarning asosiy vazifangiz shu. G'oliblar qatoridan o'rin olsangiz, nafaqat oilangiz, balki biz ham o'zimizda faxr tuyg'usini his qilamiz», dedi Eldor Shermanov.





O'zDSMIda Bahrullo Lutfullayev ijodiy xonasi ochildi

O'zbekiston davlat san'at va madaniyat institutida O'zbekistonda xizmat ko'rsatgan artist, O'zbekiston Respublikasi san'at arbobi Bahrullo Lutfullayev tavalludining 75 yilligi munosabati bilan oliygoh rahbariyati tomonidan ustoz san'atkor xotirasi yod etildi.

Ta'lim muassasasida uzoq yil fidoyi mehnat qilib, o'zidan o'lmas asarlar qoldirgan hamda ko'plab shogirdlar yetishtirgan Bahrullo Lutfullayevning ijodiy xonasi ochildi. Marosimda institut rahbariyati, ustoz san'atkorning oila a'zolari, shogirdlari hamda «Vokal» kafedrası o'qituvchilari ishtirok etdi.



«Bahrullo Lutfullayev har tomonlama yetuk inson edi. Ustoz nafaqat san'at sohasida, balki insoniylik jihatdan o'rnak bo'lishga arzigulik inson edi. Ustozni chin ma'noda bilim bulog'i, deyishimiz mumkin. U kishining o'lmas asarlari kelajak avlod uchun ulkan meros bo'lib qoladi», dedi institut rektori v.b. Eldor Shermanov.



Shuningdek, kelgusida Bahrullo Lufullayev xotira kechasi tashkil etilishi ta'kidlandi. Tadbir davomida Bahrullo Lufullayev to'g'risida xotiralar aytib o'tildi hamda ustoz san'atkor shogirdlari tomonidan go'zal qo'shiqlar kuylandi.





Ma'lumot uchun, Bahrullo Lutfullayev 1948-yilning 5-sentyabr kuni Jizzax viloyatining Forish tumanida tug'ilgan. U 1972-yilda Toshkent davlat konservatoriyasi xor dirijyorligi, 1987-yilda bastakorlik ixtisosliklari bo'yicha tamomlagan. 2003-yildan O'zbekiston davlat san'at va madaniyat institutida faoliyatini boshlagan. Bir necha yillar davomida O'zbekiston radiosi musiqiy eshittirishlar bo'limi bosh muharriri, "O'zbekiston milliy teleradio kompaniyasida" musiqa studiyasining bosh muharriri lavozimida faoliyat yuritgan.



Kompozitorning "Samarqand ushshog'i", "Yor istab", "Hazilkash shoh", "Mangu mash'al" kabi musiqali dramalari, solist va xor uchun "Hur O'zbekiston", "Toshkentim bor" syuitalari, "Ona" poemasi, "Firoq" xor turkumi va boshqa bir qator asari ijodining yorqin namunalaridan hisoblanadi. Kompozitorning musiqali dramalari Muqimiy nomidagi "O'zbek davlat musiqali drama teatri" repertuaridan keng o'rin olgan.



1999-yilda “Mehnat shuhrati” ordeni bilan, 2001-yilda “Qoraqalpog‘istonda xizmat ko‘rsatgan artist” unvoni bilan taqdirlangan. 2008-yilda “O‘zbekiston Respublikasi san‘at arbobi” faxriy unvonini olgan. 2020-yil «Madaniyat va san‘at fidokori» ko‘krak nishoni bilan taqdirlangan. 2023-yil vafot etgan.

Xush kelibsiz, iste’dodlar

O‘zbekiston davlat san‘at va madaniyat institutida 2023/2024-o‘quv yili munosabati bilan tadbir tashkil etildi.

Tadbirni oliygoh rektori v.b. Eldor Shermanov ochib berdi. Eldor Shermanov nutqi davomida ijodiy va test imtihonlaridan muvaffaqiyatli o‘tgan talabalarni tabriklab, ularga muvaffaqiyat tiladi. Talabalarning yetuk bilimlarni egallab, sohaning malakali xodimiga aylanishi uchun ta’lim muassasa rahbariyati tomonidan barcha shart-sharoitlar yaratilishi ta’kidlandi.

Shu bilan birga, imtihonlarda yuqori natijaga erishgan talabalar institut rahbariyati tomonidan tashakkurnoma bilan taqdirlandi.

Shuningdek, xalq xofizlari, el suygan san’atkorlar hamda

iqtidorli talabalarning chiqishlari ham tomoshabinlarga zavq bag'ishladi. Bayram shukuh'i davom etmoqda.











O'zDSMIda yangi o'quv yili boshlandi

O'zbekiston davlat san'at va madaniyat institutida 2023/2024-yilgi o'quv mavsumi boshlandi.

Erta tongdan oliygohning malakali professor-o'qituvchilari, zahmatkash xodimlari hamda bilimga chanqoq talabalari katta tantana bilan kutib olindi.

Shu bilan birga, o'quv binolarida talabalar uchun «Vatan ozodligi yo'lida shahid ketganlar mangu barhayotdir» mavzusida Mustaqillik darslari tashkil etildi. Darslarni institut rahbariyati, professor-o'qituvchilar, taniqli olimlar va ziyolilar olib bordi.

Ta'lim muassasasi rektori v.b. Eldor Shermanov mazkur darslarni ochib berdi hamda o'z nutqi davomida ijodiy va test imtihonlaridan muvaffaqiyatli o'tgan talabalarni tabriklab, ularga muvaffaqiyat tiladi.

Oliygo'h hududida bayram shukuhi davom etmoqda.







0‘zDSMI Kengashida davlat mukofoti va ilmiy unvon sohiblari taqdirlandi

Bugun 0‘zbekiston davlat san‘at va madaniyat instituti Kengashining 1-sonli yig‘ilishi bo‘lib o‘tdi. Unda institut rahbariyati, fakultet dekanlari, kafedra mudirlari, bo‘lim boshliqlari va boshqalar ishtirok etdi.

Kengash kun tartibida 0‘zbekiston Respublikasi Prezidentining Farmonlari, Farmoyishlari va topshiriqlari, 0‘zbekiston Respublikasi Vazirlar Mahkamasining qarorlari va bayoni, Vazirliklarning buyruqlari va topshiriqlarining bajarilish holati, mustaqilligimizning 32 yillik tantanalariga tayyorgarlik jarayoni, oliygoh yoshlarini talabalar turar joyi bilan ta‘minlash va boshqa masalalar muhokama qilindi.

Qayd etish joiz, oliygohimizda ko‘p yillardan beri faoliyat yuritib, soha rivojida o‘z hissasini qo‘shib kelayotgan to‘rt

nafar professor-o'qituvchimiz davlat mukofotlari bilan taqdirlandi, bu mamlakatimizdagi oliy ta'lim muassasalari miqyosida eng yuqori ko'rsatkich sanaladi.

Jumladan, «Musiqali, dramatik teatr va kino san'ati» kafedrası professori Munavvara Abdullayeva «Mehnat shuhrati» ordeni; «Madaniyat va san'at menejmenti» kafedrası professori Viktor Alimasov va «Kino, televideniye va radio rejissyorligi» kafedrası dotsenti Hilol Nasimov «Do'stlik» ordeni; «Musiqali, dramatik teatr va kino san'ati» kafedrası professori Erkin Komilov «O'zbekiston Respublikasida xizmat ko'rsatgan yoshlar murabbiysi» faxriy unvoni bilan mukofotlandi.

Institut rahbariyati tomonidan o'z sohasining zahmatkash va fidoyi vakillariga minnatdorchilik bildirildi hamda ularga moddiy rag'batlantirish to'g'risida sertifikatlarni topshirdi.

Bundan tashqari, yana bir qancha zahmatkash ustozlarimizga ilmiy unvonlar berildi. Jumladan, «San'atshunoslik» kafedrası o'qituvchisi Usmon Azim hamda «Estrada va ommaviy tomoshalar san'ati» kafedrası mudiri Timur Rashidov professor; «Sahna nutqi» kafedrası o'qituvchisi Shokir Yusupov hamda «Folklor va etnografiya» kafedrası mudiri Kamoliddin Isayev dotsent ilmiy unvoni bilan taqdirlandi.

Shuningdek, «Vokal» kafedrası o'qituvchisi Sevara Malikovaga Turon akademiasining faxriy-professori unvoni berildi.










Ramz Qodirov dissertatsiya ishi muhokamasi bo'lib o'tdi

Bugun «Sahna nutqi» kafedrası dotsenti, mustaqil tadqiqotchi Ramz Qodirovning pedagogika fanlari bo'yicha falsafa doktori (PhD) ilmiy darajasini olish uchun taqdim etgan dissertatsiya ishi muhokamasi bo'lib o'tdi.

«Talaba-aktyorlarda sahna nutqiga oid bilim va ko'nikmalarni takomillashtirish texnologiyalari» mavzusidagi taqdimotda nutqda yuzaga keladigan muammolar, uni rivojlantirish tamoyillari to'g'risida atroflicha ma'lumot berildi.

Muhokamada «Sahna nutqi», «Ijtimoiy va gumanitar fanlar va pedagogika», «Estrada va ommaviy tomoshalar san'ati», «San'atshunoslik» va boshqa kafedralarning professor-o'qituvchilar tomonidan dissertatsiyaning yutuq va kamchiliklari aytib o'tildi.







Iqtisodiyot tarmoqlarida kamida besh yil ish stajiga ega bo'lgan fuqarolar uchun suhbat tashkil etilmoqda

O'zbekiston Respublikasi Prezidentining "2021/2022 o'quv yilida O'zbekiston Respublikasining oliy ta'lim muassasalariga o'qishga qabul qilishning davlat buyurtmasi parametrlari to'g'risida" 2021-yil 22-iyundagi PQ-5157-son qarori ijrosini ta'minlash hamda vazirliklar, idoralar va yirik xo'jalik birlashmalarida oliy ma'lumotli kadrlar ulushini yanada oshirish maqsadida Vazirlar Mahkamasining 675-sonli qaroriga asosan, iqtisodiyot tarmoqlarida kamida besh yil ish stajiga ega bo'lgan tegishli vazirlik va idoralar rahbarlari tavsiyanomasiga ega talabgorlar uchun 2023/2024-o'quv yili uchun sirtqi ta'lim yo'nalishi qabuliga oid suhbat o'tkazilmoqda.

Jarayonni O'quv ishlari bo'yicha prorektor Abdulaziz Nurullayev ochib berdi hamda talabgorlarga omad tiladi.

Suhbat natijalariga ko'ra sirtqi va kechki ta'lim shakliga o'qishga tavsiya etilgan talabgorning o'qishi (sirtqi ta'lim shakli uchun 5 yil) uchun tabaqalashtirilgan to'lov-kontrakt mablag'i ishlab turgan muayyan tashkilot (vazirlik, idora, yirik xo'jalik birlashmasi) tomonidan belgilangan muddatda to'lab berilishi lozim.







Badiiy, o'quv-uslubiy kengashning yangi o'quv yiliga bag'ishlangan yig'ilishi bo'lib o'tdi

Bugun O'zbekiston davlat san'at va madaniyat instituti Badiiy, o'quv-uslubiy kengashining navbatdagi yig'ilishi bo'lib o'tdi.

Kengash a'zolari ishtirokida 2023/2024-o'quv yili uchun dars yuklamalarini professor-o'qituvchilar kesimida taqsimoti muhokama qilindi.

Shuningdek, yangi o'quv yilida bakalavriat va magistratura kesimida o'quv adabiyotlarni yaratish rejasi tasdiqlandi.



